

© WWF - Centro Antina / G. Aulet

## Co funcziuna ina visita da classa en il Pandamobil?

- Da princip sa ferma il Pandamobil al minimum in entir di. Exceziunalmain po el visitar ina pitschna scola per in mez di, schiella na sa chatta betg memia lunsch davent da la proxima etappa previsa.
- La turnea sa drizza a tut ils uffants da 9 en fin 12 onns. L'animatur (Michel Terretaz) maina gruppas da max. 12 scolaras e scolars tras l'exposiziun. La visita dal Pandamobil dura 60 minutas; fin a tschintg gruppas per di pon guardar l'exposiziun.
- Las scolastas ed ils scolasts annunziads survegnan ordavant in dossier pedagogic davart la biodiversitad en las Alps, per ch'els possian preparar lur scolaras e scolars per l'exposiziun. A la fin da quella survegnan era ils uffants ina pitschna documentaziun.
- Il WWF fa pajar ina participaziun minima als custs da 60 francs per gruppa. Questa summa cumpiglia in dossier pedagogic per classa, la visita da l'exposiziun ed ils custs da l'animaziun.

## Il Pandamobil, quai é :

- In success dapi passa 30 onns.
- In animatur dal WWF engaschà, cumpetent e passiunà.
- In vegl camiun da la Migros, transformà en in'exposiziun ambulanta.
- Mintg'onn 6'000 scolarAs e 300 scolastAs intgantadAs da l'exposiziun.
- In tema davart l'ambient, preschentà a moda ludica ed interactiva.
- In dossier pedagogic cun bleras lecziuns e referenzas bibliograficas per preparar las scolaras ed ils scolars per l'exposiziun.

**Sco a chaschun da las turneas precedentas cun ils temas «Ils gauds tropics», «Il clima» e «L'aua», vegn era la turnea actuala dal Pandamobil davart «La biodiversitad en las Alps» sustegnida da la **MIGROS**.**

**Dapli infurmaziuns davart l'engaschi da la Migros a favur da l'uman, dals animals e da la natira chattais Vus sin [www.migros.ch](http://www.migros.ch) (rubrica «Nachhaltigkeit»).**

© WWF / AGO FLURI



Il WWF ha la finamira da frantar la destrucziun da la natira e da concepìr in avegnir, en il qual ils umans ed ils animals pon viver en armonia cun la natira.

Il WWF s'engascha en tut il mund per:

- il mantegniment da la diversitad biologica
- l'utilisaziun duraivla da las resursas naturalas
- la reducziun da la polluziun ed in consum cumpatibel cun l'ambient.

**WWF Schweiz**  
Hohlstrasse 110  
Postfach  
8010 Zürich  
Tel. : +41 44 297 21 21  
Fax : +41 44 297 21 00  
service@wwf.ch  
www.wwf.ch


© 1986, WWF-World Wide Fund for Nature, WWF Registered trademark owner  
Paghin recicclà  
Illustraziun: Clélio Mérendaz-Garnéve / Grafica: Christine Serey-Garnéve





In'exposiziun ambulanta dal WWF Svizra en Vossa scola!  
Turnea 2008-2009

# natira a l'autezza biodiversidad en las Alps



## Bainvegni en il Pandamobil

Las sfidas actualas per proteger la biodiversidad da noss planet èn considerablas:

- oz vivan probablmain var 14 milliuns spezias sin terra
- il «progress» è responsabel che las spezias èn da preschent var 1'000 fin 10'000 giadas pli periclitadas da svanir che normalmain en la natira
- perder la biodiversidad, nossa ierta natirala, signifitga periclitgar ils ecosistems che funcziunan bain e che porschan a nus aua schubra, aria, vivonda e materias primas...cun auters plects, las resursas vitalas.

**La biodiversidad e las cuntradas da l'artg alpin èn periclitadas. La natira vegn destruida u restrenschiada sin in spazi adina pli pitschen. Il turissem e l'agricultura intensiva sa derasan adina pli fitg ed il patrimoni cultural svane-scha. Per fortuna èn ils pajais dal territori alpin daventads conscients da quest svilup e cumenzan uss a reagir.**

Era Vus pudais reagir. Possibilitai a Vossas scolaras ed a Voss scolaras da scuvrir las Alps, questa regiun magnifica, a chaschun da la nova exposiziun ambulanta dal WWF Svizra. Ils uffants pon entrar en il Pandamobil cun ses decor fabulus e scuvrir là il mund alpin cun auters eglis. Els vegnan sensibilisads per ils privels che smantschan las Alps e la biodiversidad. Suentar la visita partan els a chasa cun novs impuls e pon agir a favur da questa regiun particulara en il mund, ma era a favur da la diversidad natirala en general.



## Las Alps - in juvel

Las Alps èn ina regiun particulara en tut il mund. Cun ina lunghezza da var 1'200 km ed ina surfatscha da circa quatter giadas la Svizra, cunfineschan las Alps en il center da l'Europa cun otg pajais: la Svizra, l'Austria, l'Italia, la Slovenia, il Liechtenstein, la Ger-

mania, la Frantscha e Monaco.

Las grondas differenzas da crappa, terra, autezza, clima e d'auters facturs fan da las Alps in spazi vital enormmain ritg e varià. Nagin'otra regiun da l'Europa n'ha ina diversidad cumparegliabla d'animals, da plantas u da

stgais culturals. Tenor stimaziuns vivan passa 30'000 spezias d'animals en il territori alpin.

Questa diversidad da spezias, spazis da viver ed ecosistems, è la uschenumnada biodiversidad, in element essenzial per la dinamica e l'equiliber da la vita.

### Annunzias ed infurmaziuns

**WWF Schweiz  
Pandamobil  
Chemin de Poussy 14  
1214 Vernier  
Tel. : +41 22 939 39 89  
Fax : +41 22 939 39 91  
pandamobil@wwf.ch**

[www.wwf.ch/pandamobil](http://www.wwf.ch/pandamobil)